



www.BibleForChildren.org

San Juan 14




Bito gaquəžejlažə'əle čhia' nada'. Lēgonlilažə' Diozən',
na' leczə legonlilažə' nada'. Gan' zo Xa' Diozən' naquən
ca to yo'o xen gan' ža' de'e zan cuart. Gwnia' le' žalə'
cui bi cuart de par le'e. Na' yeya'a žjəyeyenšaogua'a
cuart par to tole. Na' catə'ən babeyož jəyeyenšaogua'a
cuart čhelen', yida'
yetši'i na' yeči'a
le'e socho
txen par

nich gan'
soa' na'
so le'e.



Nada' Juan naca' beṇə' bišə'əle ɕhedə' naccho
txen cho'ela'ocho Cristən' na' txenṇə' choso'oɕhi'
choso'osaquə' beṇə' chio'o. Txenṇə'

chnabia' Diozən' chio'o na' txen
chgo'o chɕhejlažə'əcho




len yoguə' de'en
chac ɕhecho ɕhedə'
ngodə'əcho txen
len Jesocristən'.




Zoa' isla nga de'en ne' Patmos la' naca' pres por
ni čhe de'en bagwdixjui'a xtižə' Diozən' na'
babi'a dižə' čhe Jesocristən'. De'e

na'anə' baboso'osele'e
nada' nga.




Nach ca orən' ben Spirit çhe Diozən' par niç
ble'idaogüe'eda' Diozən' gan' chi'e yoban' chnabi'e.




Nach benda' yoguə' beṇaḥ ca' ža' yoban' na' yežlyon'
na' len beṇə' ža' latjə che beṇə' guat ca' chso'e dižə'
chəsə'əne': Zejlicaṇe güe'ela'ocho
Diozən' ben' chi' chnabia' na'
güe'ela'otecho Xi'ine' Jesocristən'
ben' gwxaquə'əlebe ca xilə' dao'
ca' gwso'ot beṇə' Izrael ca' par . . .




. . . gwnitlao xtolə'əga'aque'enə'. Zejl̥icaṇe
güe'ega'acchone' yelə' bala'an̥ na' zejl̥icaṇe güe'echo
dižə' can' zjəṇse'e yelə' chey che'eni'
na' can' zjənape' le'ezelaogüe yelə'
guac xen. Na' leczə can' gosə'əna
bia ca' chaš yežlyon', na' bia ca'
chaš le'e yoban' na' lo'o
nis, na' len
bitə'ətezəchlə
de'e zjəde.




Nada' Juan ble'ida' syoda che Diozən', syoda
Jerosalennə' de'en naquə de'e cobə de'en chi' yoban'
gan' zo Diozən', ble'ida' bletje'en lao yežlyon'.
Banonšaogüe'en na' banone'en xochē ca to no'olə
chpa'a cuine' catə' chšagne'e.




Nach do gan' chi' Diozən' chnabi'e benda' gwne
to anglən' zižjo gwne': —Syoda che Diozən' babžinən
gan' ža' beṇaḇhən' na' Diozən' soe' len lega'aque'.
Beṇaḇh ca' əsa'aque' xi'ine' na' le' gaque' Dioz
cheḡa'aque' ben' əso'elaogüe'e.




Nach blo'ine' nada' yao de'en yožə nis de'en chnežjon
beṇačhən' yeḷə' mban zejḷicanən'. Na' nisən' naquən
clar juisy ca be'eyə', na' yaon' chchojən gan' chi'
Diozən' na' Xi'ine' Jesocristən' chəsə'ənabi'e,
Jesocristən' ben' gwxaquə'əlebe ca xilə' dao' ca'
gwso'ot beṇə' Izrael ca' par gwnitlao
xtoḷə'əga'aque'enə'.



Bito chyažje bgüižən' ni bio'onə' par yoso'ose'eni'in lao
syodan' čhedə' nye'eni' syodan' len yełə' chey che'eni'
če Diozən' na' che Xi'ine' Jesocristən'.



Bitobi de'e mal gaquə lao' syodan', na' notono gaquə
yesyə'əžin syodan' no chon de'e ca' chgue'i Diozən' o
no choe' dižə' güenlažə'. Caguə no
yesyə'əžin syodan' sino beṇə'
ca' zjənyoj laga'aque'en
le'e libr che Jesocristən'
ben' gwxaquə'əlebe ca
xilə' dao' ca' gwso'ot
beṇə' Izrael ca' par
gwnitlao
xtoḷə'əga'aque'enə'.
Le'e libr na'anə' zjənyoj
la beṇə' ca' zjənapə yeḷə'
mban zejlicanən'.




Na' Diozən' gone' par niçh cuich
nite'e trist, notoch no gat, na'
notoch no no yegüine'e, ni que
gaquə bi de'en yesə'əžaglaogüe'
o bi de'en gon par yesə'əbeže'.
Bagwde çe yoguə' de'e ca'
zjənac ca' de'en gotə' lao
yežlyo nechən'.




Cuat gatə' de'e gue'i Diozən' lao' syodan'. Diozən' len
Xi'ine' Jesocristən' ben' gwxaquə'əlebe ca xilə' dao' ca'
gwso'ot beṇə' Izrael ca' par gwnitlao xtoḷə'əga'aque'enə'
zjəchi'e syodan' chesə'ənabi'e, na' yoguə' beṇə' ca' ža'
syodan' chso'onḷilažē'e
Diozən' na' nitə'ətezə
nite'e
chso'elaogüe'ene'.
Nitə'ətezə nite'e
gan' chesə'əle'ine'
cho'alao Diozən',
na' nyoj le'enə'
lao
xgaga'aque'enə'.




Na' ble'ida' beṇə' ca' bagwsa'at sin cui gwso'onlilaže'e
Jesocristən', beṇə' ca' gwsa'ac beṇə' blao na' len beṇə'
ca' cui gwsa'ac beṇə' blao. Yogue'e zjəzeche' lao
Diozən'. Nach Diozən' bzaše' libr ca' gan' zjənyoj
yoguə' de'e ca' gwso'on to toga'aque'.
Nach gwde na' bzaše' yeto libr gan'
zjənyoj la beṇə' ca' zjənape'
yeḷə' mban zejlicaṇen'.




Na' yoguə' beṇə' ca' gwsa'at sin cui gwso'onlilaže'e
Jesocristən' gwḥhoglaogüe'en ḥhega'aque' de que
yesə'əzi'e castigw segon bin' gwso'on to toga'aque',
con can' nyoj le'e libr ca'. Yoguə' non' cui nyoj leinə'
le'e libr gan' nyoj la beṇə' ca' zjənape' yeḷə'
mban zejlicane, boso'ozale'ene' lo'o
yi' gabilən' de'en naquə
de'e xen ca nisdao'.



Chio'o chonlilažə'əcho Jesocristən' naccho ca to
no'olən' si'e, na' chio'o txen len Spirit che Diozən'
chnablažə'əcho yob yide' de'e yoblə. Na' yoguə' no
yene catə' yoso'olabe' libr nga, leczə
yesə'ənablažə'əšgue' yob yide' de'e yoblə.



Na' notə'ətezə beṇə' se'ene'ene' so'onlilaže'e
Jeso'osən' gatə' yeḷə' mban zejlicane chega'aque'
sin cui bi yesə'əyixjue' chei.



Lechguale chaque Diozən' che chio'o
benach na' ben Xi'ine' tlišə'ənə'
par niç na' notə'ətezcho
chonlilažə'əchone' bito cuiayi'icho
mas de yełə' mban
zejlicane checho.



Romanos 3:23

Yoguə'əlo_lcho babencho de'e mal na' de'e na'anə' ni tocho
bito gaquə ə_nacho de que naccho be_nə' güen ca be_nə'
güennə' naquə Diozən'.

Romanos 6:23

Šə zocho choncho de'e malən' yeyejcho lao yi' gabilən'.
Pero šə ngodə'əcho txen len X_ancho Cristo Jeso'osən',
Diozən' cho_ne' chio'o dadzə ye_lə' mban zej_licanən'.

Hebreos 9:27

Na' Diozən' bansi'e x_neze de que əžin ža sa'at to to
be_načhən' na' šlinzən' sa'ate'. Na' techlə ə_na Diozən' čhe
to toga'aque' šə yesə'əzi'e castigw o šə
n_ite'e mbalaz len _le'.



Efesios 2:8,9

De'en nži'ilažə' Diozən' chio'o bene' par niçh chio'o chonlilažə'əchone' bito yeyejcho lao yi' gabilən'. Con to goclenṇə' bene' ca', caguə por ni çhe bencho bi de'e güenṇə'. De'e na'anə' notono chio'o cheyalə' güe'elao' cuincho de'en cui yeyejcho lao yi' gabilən'.

Romanos 10:9,10

Quingan' cheyalə' goncho par niçh Diozən' yebeje' chio'o xni'a de'e malən'. Cheyalə' güe'echo dižə' len beṇə' yoblə par niçh yesə'əṇezene' de que chonlilažə'əcho Xancho Jeso'osən', na' leczə cheyalə' šejle'echo do yichj do lažə'əcho de que Dioz nan' bolis bosbane' Jeso'osən' ladjo beṇə' guat ca'. Diozən' ne' de que naccho beṇə' güen laogüe'enə' šə chejle'echo do yichj do lažə'əcho de que cuine'enə' bolis bosbane' Jeso'osən' ladjo beṇə' guat ca'.

Na' šə cho'echo dižə' len beṇə' yoblə par niçh yesə'əṇezene' de que bachonlilažə'əcho Xancho Jeso'osən', nachən' Diozən' yebeje' chio'o xni'a de'e malən'.



San Juan 3:16,17

Lechguale chaque Diozən' che chio'o benach na' ben
Xi'ine' tlišə'ənə' par nich na' notə'ətezcho
chonlilažə'əchone' bito cuiayi'icho mas de yelə' mban
zejlicane checho. Diozən' bsele'e Xi'inen' yežlyo nga caguə
par nich əchoglaogüe'en che chio'o benach de que napcho
dolə', sino par nich gone' ca cui yeyejcho lao yi' gabilən'.

1 San Juan 5:11-13

Dižə' nga choe' Diozən', de que babene' par nich de yelə'
mban zejlicane che notə'ətezcho ngodə'əcho txen len
Xi'ine'enə'. De'e na'anə' šə chonlilažə'əcho Xi'in Diozən' de
yelə' mban checho zejlicane. Na' sə cui chonlilažə'əchone'
ža, bito de yelə' mban zejlicane checho. Cart nga babzoja'
le'e bachonlilažə'əle Xi'in Diozən' par nich ənezele de que
de yelə' mban zejlicane chele.



San Juan 14; 2 Corintos 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Yatzachi NT (zav) © 1971, Wycliffe Bible
Translators, Inc. All rights reserved.

<https://www.bible.com/bible/828/MAT.1>

©2026 Bible for Children, Inc.

www.M1914.org

www.bibleforchildren.org

